

叢書集成續編 第一四七冊目錄

文學類



詩文別集——明

銅馬編二卷·····	明	楊德周撰	四	明	一
小辨齋偶存八卷附錄一卷·····	明	顧允成撰	常州先哲		四五
凝翠集五卷·····	明	王之翰著	雲南		九三
從野堂存稿八卷補遺一卷附錄一卷·····	明	繆昌期撰	常州先哲		二五九
附文貞公（繆昌期）年譜一卷·····	清	繆之鎔輯			三七九
市隱園集三十卷附錄一卷·····	明	費尚伊撰	沔陽		三九七

銅馬編

四明張氏釣園開雕

序

楊南仲先生銅馬編兩卷北征記一古近體詩一百四十七爲上卷蓋先生官古田入覲京師時所作南征記一古近體詩一百三十四爲下卷則覲見後復任時所作先生始問學於黃漳浦既益博覽慎取尤湛精經學所爲文優游敷潤頗似曾子固學劉中壘文字詩則崛健參以考證於杜韓蘇三公爲近萬曆壬子舉於鄉官金華教授擢古田令再遷高唐州致仕魯王監國以尙寶卿召不赴年七十餘卒謝山謂所著有淞庵集六鶴

銅馬編序

四明叢書
約園刊本

堂集光溪集玉田吟卷金華文徵義根三刻荒政考玉田志略詩笈及此編今考鄞志爲謝山未錄者尙夥又嘗注杜詩復與同里陸敬身李封若陳燮五諸氏輯甬上詩括惜多佚故失傳其後李杲堂因詩括而輯甬上耆舊詩集全謝山則傳其玉田吟卷而杜詩注則因玉田志略之有傳本乃存其一二至謝山續甬上耆舊詩集錄先生古近體詩百又七首發玉田示諸父老詩二首爲此編上卷首唱今錄在耆舊集中此編別玉田父老詩一首謝山所錄乃有三首山行詩錄六首此編亦

有山行詩十一首然其辭無一同者細審其詞意則皆爲寫閭閻景物者先生遺著高唐以後之作已寥寥焉甲乙而降五噫八哀幾無一存并可見散佚已多即其僅有者乃又多舛亂牴牾也謝山在當時廣搜鄉黨遺文顧於先生銅馬編則嘗恨未見壽鏞今幸得此編亟板行之先生學行於此可略見梗概焉編中北征南征二記雖非朱育虞翻侈矜博麗之比然隱然有長沙過三秦昌黎道兩府遺義而詩篇所詠大率懷感時事信所謂不激不夸事詳而核理富而確詞理並足者也今

銅馬編序

四明叢書
約園刊本

其遺著雖未能盡見即其僅存者觀之固可知其博學嗜古文格歷落尤勝於詩矣先生先與王偶翁並稱王楊後與陸敬身又稱楊陸爲時所重豈偶然哉民國二十四年十一月後學張壽鏞

四庫全書存目

銅馬編二卷 浙江巡撫
採進本

明楊德周撰德周有澹圃芋記已著錄是集乃其崇禎中為古田知縣入覲京師往返記程之作上卷冠以北征記次以北行諸詩下卷冠以南征記次以南旋諸詩文格頗歷落自喜詩則庸音也

銅馬編 提要

一 四明叢書
約圖刊本

銅馬編傳

楊德周字南仲一字次莊守陞曾孫父承燁諸生能詩

德周以萬曆四十年舉於鄉官金華教授 續耆
舊傳崇禎間

為古田知縣甫下車即榜懸門曰所不與民伸冤抑而

任意低昂者誓不生還自是剔蠹弊鋤奸黠編審精覈

追呼不擾 福州府志凡有設施皆準今酌古劑量而行之 古

縣志嘗夜閱獄詞聞鬼哭於庭詰之曰若有冤當再哭哭

乃益甚已而廉得其實遂昭雪之 閩政暇每集紳士登

高賦詩 福建通志輯纂志略典核精詳 古田志遷高唐州知州

有惠政致仕魯王監國以尙寶卿召不赴年七十六卒

續耆舊傳德周性嗜學 閩文歷落自喜 四庫提要問業於黃道周

晚與王嗣夷葛世振為汐社三老 續耆舊傳嘗賦新稻詩曰

曾孫穡事周京盛不救西山兩餓夫讀者傷之 蔣子秉

黔字叔綽善畫花卉 明州書史孫文沆字濯仙工詩有祖風

事親孝居喪極哀云 續耆舊傳

銅馬編 傳

一 四明叢書
約圖刊本

題楊南仲銅馬編序

去年冬余以輯瑞之役次雲陽遇楊子南仲相與捨舟
遵陸度天塹涉濠梁踰淮泗躋齊魯以望燕薊行役之
次聞以餘晷探勝覽古玩山水以忘勞話興衰以寄慨
於是激而飲酒感而賦詩詩成則相與存之訂之亦聊
以舒遠道之鬱紆記歲月之蹤跡已耳然其宵旦之所
望而趨魂夢之所寤而往就之如日瞻之如雲而咫尺
之如不違者則固不敢貪流連之娛恣笑傲之樂寄情
題詠之閒傲騷人墨士之所爲忘其所有事也比至京

銅馬編序

一四明叢書
約圖刊本

師入春明瞻銅馬仰宮闕之鬼峨觀衣冠之輻輳虎拜
稽首天子萬年而後喜可知也事既竣南仲以所爲記
若詩若干篇彙爲帙名曰銅馬編授余曰吾與子役同
行同而途中之情之志又同知是編者莫子若曷爲我
序之余惟古王者之制天子巡狩則太史陳詩以觀民
風其於述職亦無不然故其時政治之得失風俗之美
惡無不入於歌詠而皆可以獻天子自三百旣杳而歌
謠詠綴不復上陳於是騷人墨士以其精神口舌之所
求輕用之流連笑傲之末不過嘲風弄月繪水寫山以

字句之一得自競其長而已究何關於天下國家之大
閒有一二悲憤勞騷託物比興思美人望君子而稍出
之淺露者則不免有看桃詠檜之謂爲詩案之張雖有
孤懷而究亦不可以獻天子久矣夫詩之無用而所求
於詩者亦僅曰詩云耳然則今之所爲詩望三百之藩
而未之見者微獨其詩躁發淺薄不可以語興觀羣怨
卽其所爲詩之心先自薄也南仲積學有原爲政有譜
其爲古田令以經術經世務而職無不修其入覲天子
也暫而民不能舍相與攀臥贈路金至數百里不止而

銅馬編序

一四明叢書
約圖刊本

南仲夙以賈生治安天下之才時存杜陵懷感時事之
意故每事未嘗不有心天下而未嘗不寄之於詩然其
居心則平夷渾厚直追三百可興可觀可羣可怨之原
故其爲詩也不以激不以夸其事詳而核其理富而確
故詞與理並足如此者不謂之詩以當南仲之述職可
也卽謂之詩如古王者之制以獻天子可也覽斯篇者
其務覓作者之志按其足蹤之所經想其寄意之所注
然則向行役之次視爲探勝覽古之餘而其中之所有
事者固原隱隱在筆墨閒宛轉淋漓而不容已也此銅

馬所以名編也余不知詩而知南仲知南仲固不可以辭而勉爲序之如此回想江淮齊魯之間春明銅馬之上余與南仲謂之役同行同則可謂情志之同予則愧矣昔崇禎甲戌季春之月晦前三日黔中費道用頓首書于江山舟中

銅馬編序

三四明懷書
約圖刊本

銅馬編卷上

明鄞 楊德周齊莊著

北征記

余宰玉川兩載有奇矣癸酉冬以覲行爲陽月之廿日先是紳衿修祖道之詞獎誦溢美而父老念余裝澀餼錢具道路費余曰若愛我甚其以撲滿涅我乎亟令留姓名各領所投之鏹去昔趙清獻宰崇安鄒道人鬻業得錢百緡助公行公初不受既詢其鬻業錢始受之此弗論鬻業與否公安得有妄納出劉會稽下耶既發

銅馬編卷上

三四明懷書
約圖刊本

雅攀轅車輒不得行數十里外攜醇醪勞之者村戶皆滿亦復有沿途饋緡者卻如前及次日樽罍尚接踵也蓋此地風俗之厚如此廿有二日離縣界入建安晚宿小橋茅店臨流斲筍獨酌差得清趣顧回首翠屏未忍徘徊遽別也早到建州按宋孝宗以紹興五年封建國公登極後陞爲建寧今仍其名刺桐花下路高低恨不得六幅輕綃寫入畫耳謁司李解公授以閩雅弁言鉅麗驚人時有金玉兩生從國關買棹相送而沈尉亦至夜作小飲早發甌城樹裏溪流曲曲如帶入建陽水隱

而山環兩而矣地名云改自晉太元四年又云先改於
太康中未知孰是遙望武夷在數十里雲嶺外接鐵鏐
二子長曰武次曰夷故以名山舊志則謂有神人降此
山自稱武夷君漢武築壇祠焉緣行促不及窮六六三
三之勝乃此地一以爲仙窟一以爲儒林能無艤棹結
茆之想晚宿店樓早起雨途泥濘行數十里溪流復繁
於樹裏而甌城之地有亘建陽接浦城者卽一郡一邑
犬牙相錯意深哉度兩嶺從昏黑中抵浦城取閩越王
築城臨浦也世傳江文通爲吳興令夢人授五色筆繇

銅馬編 卷上

二 四明叢書
約圖刊本

是文藻日新今浦城故吳興也縣故有孤山里人因以
夢筆稱耳二日經黎嶺雲樹杳冥峯巒迴合唐詩所云
星斗逼人高者此閩浙分界處黎關又名仙霞關凡二
十八曲長二十里楊文公云天下水皆東惟黎嶺之水
獨北此又一異也乃仙霞屬江山矣趙汝騰詩云暗水
盡從空湖落好山剛被眞雲遮句亦佳江山卽指江郎
山也一名金純山通典又曰須郎山發地如笏有三峯
悉數百尺色丹奪目太平寰宇記謂有五色石又或謂
石高頂樹生沈香又有小池霧雨魚帆生飛去相傳島

啣游鱗墮子生長白居易詩云林慮雙童長不食江郎
三子夢還家邵康節云天上樓臺山上寺雲邊鐘鼓月
邊僧近日徐文長句日如雲外升天從隙中度之句頗
爲此峯生色而博要云江氏兄弟三人登山巔化爲石
何誕也至儀宴禪師及湛滿子導歸事理固有之邵詩
正詠儀宴車菴事爾是月之三日買二舴艋發清湖山
行旣久忽聽欸乃聲暗水披崖扁舟掠岸意甚冷冷因
思閩浙之水各注於海迤邐俱千里而沙截灘迴不以
一瀉故盡洩尾閭誰爲蓄之誰爲放之造化之徐而後

銅馬編 卷上

三 四明叢書
約圖刊本

發何獨人事爲然繇姑蔑經龍三浦帆竹纜斜陽半江
初七日抵潑水泛蘭橈進長山謁司李阮公舊遊之地
感慨係之舟次作回文類聚序發戴生波臣登梓初十
日過子陵祠下雲低遠渡湖落寒沙清風萬古何顏更
登雙臺王叔承記七里灘俗稱七里龍謂南渡山水多
稱龍又以龍脈得名此大謬是必瀧而訛傳之耳瀧乃
水之匯處一首雙原亦音龍何疑焉十一日抵東安棹
阻石尤忽順颼微漾乘月抵江干味雲藏樹引湖落鐘
遲句錢塘風景宛然是夜遣一役一僕還家入城訪徐

松溪維翰留明聖湖尋至昭慶其泛六橋宴建陽甌寧
兩大令水調作聲簫鼓與波聲相應月色如洗留連夜
分越一日買舟度關時松溪先半日發矣望日發塘樓
早經涵山山在諸溪村余舊講席處也故人如倪吳兩
公俱物故而吳長君從余授業者成壬戌進士亦不及
晤山陽陽關悲愴何已十六日宿松陵早次吳門李文
饒所指吳之門戶也按蘇水陸俱入門皆子胥建劉禹
錫詩所云二八城門開道路許渾詩其醉八門回畫舸
是也入我朝又有封赤二門蓋增八而十焉象天門通

銅馬編 卷上

四明叢書
約圖刊本

閩閩風故名閩門楚在西北閩閩欲破楚又名破楚門
至春申改爲昌門蓋諱之也閩經以子胥家胥門被誅
後挾目懸門上按北門在西而子胥懸目東門又門皆
子胥所命名必無以己名名之者越絕謂外有九曲路
閩閩從此遊姑蘇臺庶幾近之他門俱有取義不及載
其他若示浦門魚城酒城鵬城狶巷豆園街城麋湖城
欖溪城五樞城搖城俱堪入詩料而詞人鮮用之豈弔
古者竟不必用古事耶時復遣一奚逐余虎林者而稍
子亦適夷猶虎丘堤邊者半日竟不及進海湧岸一步

褚淵有云今之所稱多過其實惟虎丘過其所聞過而
不入蓋俗腸之帶人若此是夜越舟關上吟張正見顏
真卿張祐諸詩恍如臥遊亦復令人閣筆侵晨乘風挂
颿抵惠山不及酌第二泉憶十年前遊鄒園甚潔麗後
此經過已不免在殘陽寒蔓中洛陽名園固隨地陵谷
無足挂恨志載泰伯城在無錫梅里二十三傳至王僚
俱都此自閩閩之徙不再世而社墟霸圖銷歇數與地
會至一丘一壑又不足係今昔之懷矣德祐開元兵攻
常王安節先死之其後姚書陳炤胡應炎及包圭之血

銅馬編 卷上

五十四明叢書
約圖刊本

戰殉國生氣凜凜此亦何異睢陽遺烈哉舟抵雲陽山
帶梁朝之陵水連劉尹之宅艤棹荒城正苦無伴而福
清大令費閩如適至蓋原訂偕行者同心握臂驚喜欲
狂又遇舊友荆大澈早晤徐松溪旅魂爲蘇二十之一
余與閩如陸行晚宿白兔鎮五更乘月起走句曲道中
踉蹌閒無從尋第八洞天第一福地顧咫尺舊都愧無
能摹六朝賦兩京爲國家侈豐鎬之盛耳曉起風勁甚
揚帆渡江午憩江浦卽古棠邑地謁莊定山祠廿有四
日過烏衣巷止滁陽時天尙未晚偕閩如山行從龍興

寺東經太僕寺登山椒遊歐陽公醒心豐樂兩亭亭在
幽谷旁其後祀唐宋五賢流風餘韻前後相映躡磴過
迴峯則栢子潭迴在山麓此高皇帝五蛇奮騰處又嘗
注三矢得雨登極後遣崇山侯修祀典碑鐫宸章極高
偉讀章煥繹思亭銘亦自洋洋山上老栢千章潭水深
遠中有白石柱四隅尙留遺礎蓋當時有臺閣覆其上
今不復存日哺策蹇至醉翁亭按此與前豐樂俱歐所
簪文而蘇爲公門人在潁州時從滁守王君之請寫登
諸石較初刻大如許歐公嘗植老梅虬幹輪囷尙門六
百年後呵護留此暗香疏影然不解其茂榮若斯已觀
曲水出門觀釀泉已成罍井過十餘武僧導之酌六一
泉憶辛衡記云旁有石泓泉甘如醍醐瑩如玻璃將無
是耶乃呂元中所記紫薇泉又復恍惚惜此行草草未
及細論以目證耳手證目耳更欲尋琅琊古寺而夕陽
西下併羅疇蘭堂亦無從蹤跡憶其記猶強人意因思
高皇帝豐功偉業此潭實其肇基之地飲吐風雲昭茲
瑞應是固天授之奇而名賢遺韻一觴一詠山高水長
其不朽將毋以人重耶晚抵寓鉉兒至爲一醉而寢早

銅馬編 卷上

六四明叢書
約園刊本

行度清流關此滁之南徼也藝祖斬皇甫暉姚鳳千落
馬淵將毋在是已過大柳驛則崇岡疊石迴互不斷其
云環滁皆山也乃環山皆滁平蟠踞隱隱從數百里擁
帝都萬年王氣鬱蔥可辯侵曉渡淮微茫中咏水引寒
煙江樹沒之句情景恍然晚宿固鎮廿有八日行宿州
道中是宋其公從都舊地所懷桓居山之貯書劉眞長
之說易尙論者作千古想而趙宋符離之敗能無憾紫
巖輕舉哉曉渡黃河擊凌而過天地源流累牘莫書卽
博物索隱者茫茫向若豈近日大河志黃河考諸書便
詳願末悉利害而彭城霸氣累代稱百戰地如楚王宋
公其表表者也讀蘇公所上神宗書懷桑土者可謂毛
豎而驟澍駭濤浸淫城郭尤不免有其魚之歎勞民瘁
鉅重哉斯地也臘之朔曉過韓莊閘以無梁故五更立
津頭風露悄然沁皮骨已至滕俗傳縣忌鳴鐘此古小
邾國實秦漢以來之蕃與昌慮二縣也而薛縣在縣東
南薛河之北其蹟尙鑿鑿可考道旁立石誌留侯墓道
及孟嘗士滕文行井田處皆前令趙公邦清所豎云
次日入鄒接鄒城是叔梁紇所治之邑而孔子生昌平

銅馬編 卷上

七四明叢書
約園刊本

鄉正在鄒城地此所云鄒人之子也過孟廟落照內古
柏蒼蒼不及如庚午冬瞻拜如禮又行二十里而宿四
之日發東平蓋取尙書東原底平之義漢有憲王蒼是
造景子殿者而思王爲宣帝子因思遷京師其冢松柏
皆西靡地多異人又多異事所留文彩照耀山川如韓
愈溪堂詩蘇源明泗源亭歌李白送梁四歸東平高適
縣前送李少府蘇軾歲寒亭諸詩及歐陽修之孫明復
墓銘尤不勝膾炙也耳食者僅詫梁氏父子科名云爾
夜度東阿舊治至更餘尙行寒月莽蒼中道聞發卒過

銅馬編 卷上

八四明叢書
約圖刊本

張秋諸處嗟乎弭盜莫若安民安民莫如蠲稅得不亟
以告當宁哉晚晤慈水方年兄夜話娓娓縣志載有徐
君墓相傳吳季札聘齊返而掛劍處又傳此地有釣磯
子陵臺愚按徐泗二州俱有徐君墓未審真蹟而漢書
但言子陵釣大澤中不言所在仍意客星終懸富春之
麓未許他處分掛釣絲也名勝志謂山川里數此邑難
攷大抵穀城爲縣治所枕而穀城在礪礪山下縣治與
齊東村相去二十里許而東阿累經遷徙縣南南谷鎮
縣北新橋鎮皆有東阿故城則固莫辨其定址若今治

係漢武八年所徙云五之日抵荏平山之平地曰荏邑
有夫子堂孟館淳于髡墓魯仲連玉樓店晉賀藥宅而
馬中書令亦得爲縣人嗟乎世固無賓主也有之誰復
爲代書人上聞如常中郎耶十六日宿恩縣是平原所
封地蓋易貝爲恩降州爲縣者慶曆間王則之亂提點
刑獄田京等縋城出保南關入饒健營撫士卒計誅欲
應賊者繇是營兵皆懾服南關得不陷今之出田京下
者何多乎七之日從安德渡河屬河閒則長安之馮翊
矣瀛州諸勝卽沈佺期高適名作猶什未舉其三二曉

銅馬編 卷上

九四明叢書
約圖刊本

起雪深沒馬足扶輿六十里至修一片銀海生花其防
山村廣川臺細柳營楊樹亭都在冰稜雪柱中九之日
午飯阜城卽古昌國也晚宿中水之富莊驛自滇楚來
者爲言天中道梗紆路十許日經山東道上行不無杞
憂之戚初十日發獻縣卽獻蓋古通用云或云獻王
陵在縣東北八里晚宿河閒取地介高河滹沱河之閒
也名宦載龔遂今何可少是人十一日竟日行度任丘
二十里而宿漢元始年中郎將任丘作此城以防海寇
遂以名城其墓在縣西北卽丞馮璲取土不得者也雪

乍作乍止飛霰不歇推車凝冰上屢經顛躓曉起雪深
途薄復舍輿乘桴度寒江中余笑曰是冰輪耶濯魄拂
影清寒襲人抵古雄州今更縣有大小雄山而易水合
白溝爲民濟河又合清河爲三岔口經瓦橋關周顯德
間世宗盡復契丹所侵地以雄當九河之衝控扼燕薊
故置此關而大雄山後有御道西北又有皇殿址蓋文
皇嘗駐蹕焉九十里抵涿州撫督亢之舊輿猶令人弔
而悲其志也十四日抵良鄉唐時以不從安史之叛改
名固節今以名驛詢長安近事多可詫異者望抵都卽
入門到寓異度五兄之邸此行計程溢五千里有奇計
時五十五日以大典故不敢訴行路之難乃以余拙吏
蹒跚道上不欲令僕病馬瘡所歷付之夢境漫命管城
記之則臘月之十六日也若都城形勝宮闕壯麗非椽
筆不能措手余固謝不敏云

發玉田示諸父老

百里美谿山鬱紆亘芳甸嗟非製錦材竊祿鳴琴縣柔
和或相安卓異焉足衍山俗多古風上下意相符刑省
最復輕好懲惡乃還野盡歌周詩休豫發夏諺忽值今

銅馬編 卷上

十四明叢書
約圖刊本

睽離旋憶昨歡宴父老壺漿迎兒童竹馬饒臥轍轍再
停繞車車復繼何能副具瞻爰以結縵綵有告貽後賢
勿諼愧前彥民愛棠樹陰更惜桃花片慙慙囑吾民樂
土不多見鄉塾須早修山田及時墾但聽雉鳴聲勿罹
雀角譴老叟前致詞使君循良選前去祝無恙重來請
無倦重廣東陽詩相顧淚如綫

又

贈劉借寇古堪論此地何緣繞去轅父老壺漿隨側坂
兒童竹馬唱前村催租未免驚農稼獻曝何繇答帝關
爲語吾民好休息臨期相對總銷魂

銅馬編 卷上

十四明叢書
約圖刊本

建州謁解四尊四首

三載重煩攬轡先陽和駘蕩滿谿田高峯振袂問千仞
初地留題碣萬年佳會菊英酬節後離情梅信度春前
卻慙拙吏虛冰鑑回首空歌國士篇

鳳影翩翩仰德輝月明潯湧廣陵歸攜將江左才華麗
灑作天南雨露霏夙有幽情裁白雪別將玄質結緇衣
無聲沒字驚人句搔首臨風欲和稀

清時綜覈政何如治績應追五鳳初中士故耽官況澹

上公偏愛更情疏
烽煙遠陝秋逾急
水旱淮徐夏未鋤
宵旰正思經世手
前籌早爲戒衣綸

桃李公門樹樹鮮
枵材那敢望恩偏
漢廷殿最循良傳
唐室初中風雅權
遵海而南勞保障
自江以北歎顛連
相逢羞作寒暄語
雪涕還憂杞國天

贈王余兩生建州送別

十里寒煙古木平
渡頭把手送人行
建州村釀醇堪醉
折柳河橋萬里情

途中寄懷

銅馬編 卷上

三四明藏書
約園刊本

回首山城帶夕陽
驅車猶自繫愁腸
荒村穗薄霜初緊
空狴無炊夜正長
吏拙獨懸重望否
俗醇竝喜又栽棠
雲霓翹首獨和韶
分得恩波惠一方

途中口號二首

寒梅芳草信天涯
鞅掌驅車趁曉霞
歷過征途猶入夢
停來逆旅便爲家
孤村流水秋春急
小店懸崖夕照斜
祇是西風吹客轡
獨將行役送年華
纔別榕城氣候嚴
板橋步舍去難淹
未殘曉夢車中續
於役清霜鏡裏添
繞岸蘭橈溪曲曲
臨關楓樹雨纖纖

輿夫笑指前村近
門對漁磯漾酒帘

寄題武夷

誰向堯堦獻雅鑒
名山二子竝留名
武夷錄經二子也
迴崖六六霞中見
曲水三三鏡裏行
玉女遊時玄鶴舞
曾孫宴處彩雲迎
平生塵累除難盡
欲訪仙源隔幾程

發建陽遇雨天作寒非復玉田氣候矣

閩嶠層層度前林
宿霧沈雨聲連嶂
曉寒氣到關深客
路單車髮王程萬
里心漂搖端可畏
慎莫待天陰

山行

銅馬編 卷上

三四明藏書
約園刊本

三日山行惜地偏
望中衰草正連天
雲迷谷口千峯合
路出關前一綫懸

籃輿終日翠微邊
古木前村帶晚煙
山稻已收霜滿地

崖藤正濕瀑飛泉

驛路初分氣候殊
寒鴉落木四山孤
迴峯已過雲猶合

危磴將岐荔穩扶

好山斜枕夕陽西
獨客臨關野樹低
鳥逐飛霞歸北隴

人隨遊鹿飲前溪

百里宵征荷未停
西風黃葉短長亭
逢陽節近梅初白

隔歲春遲草木青

高峯夜半聽天雞望裏扶桑望不迷春樹北瞻晴日出

故山東枕暮雲低

馬跡雞聲旅客心驅馳短句又長林曉霜黃葉經厓滑

夜月蒼山得路深

旅魂落木不堪聞未到前邨日已曠地轉數峯偏繞湖

山深孤石亦生雲

松林晚翠竹林班度嶺層層煙雨閒大海迴風天萬里

重關接漢月千山

銅馬編 卷上

十四明發書
約圖刊本

嘹唳寒空雁影殘晚嵐蒼靄萬峯攢陰崖背日楓先落

暖谷經霜草亦寒

聞嶠天南去渺茫行行我馬歎玄黃霜飛鴻影闕河迴

月落雞聲道路長

楊誠齋詩云半世功名一雞肋平生道路九羊腸

感而得句

雞肋羊腸道路忙曉嵐猶濕晚煙黃蕭蕭落木清溪急

夜舟中自髮長

發清湖

孤舟斷岸江南雨萬里平沙薊北天日落渡頭催去棹

柳塘水慢打漁船

長傍薄聲孤棹枕斜懸日色半江帆鄉心一夜歸何處

不在錢湖在密巖

秀拔峯巒雲裏樹晴涵水石鏡中天滄浪歌罷日將暝

一棹寒溪浸晚煙

太末道中

城郭青山裏人家綠水滸川平秋潦溜雲薄凍成陰落

日魚蝦市清霜橘柚林征車懷獻曝不敢復沾襟

銅馬編 卷上

十五四明發書
約圖刊本

寄陳變五

鳴珂補袞侍神堯此日關山信久要泣玉屢過燕市馬

飄蓬前附潞河橈埋輪曉漏名方重賭墅斜陽興未銷

不用題詩懷感遇春王左个賜還朝

余戊辰下第日變
五屢過相慰又與

南還

李于鵠

落木征軒萬里餘懷人芳草涕躊躇真慙循吏還金璽

祇是勞臣畏簡書日落山城魚味少霜寒江浦雁行疏

賜還早待經時手未許滄洲久卜居

周庚玄

驅車歲晚去途長江樹懷人葉有霜好爲憂時趨夜漏
仍瞻報主刷朝陽睡醒自叶論心吳曉荔空餘漱齒香
我自賦歸君早出萬年枝上露瀼瀼

林伯虞

憶昔清漳夜話長有懷聚散繫愁腸官貧轉覺交情厚
歲暮空驚客鬢蒼北隴悲風生宰木中天湛露入長楊
故人近自萊蕪去爲報壺漿滿道傍

永樂中清江俞行之有句云夜門無客敢懷金

銅馬編卷上

十六國明最書
約圖同本

屋有情甘飲水爲賦一絕句

門外懷金無客到溪邊飲水畏人知雙鳧夜月朝天去
露滴空庭碧蘚滋

過蘭谿憶吾鄉沈嘉則有句云估客帆檣當驛口

人家樓閣俯城頭其寫景道肖

澱水泠泠落日晴城頭樓閣俯谿平頓沾歌罷滄浪曲

猶憶無聲空月明

四夜過釣臺

昏黑過高臺帶月蕩小艇隨人夢不成寒風聽落葉

富陽舟中

孤舟百里到錢塘未晚天寒夜有霜回首故鄉斜日裏
江風沙嘴隔微茫

夜渡江滸二絕句

汀沙依鷺淨江月近人清長詠滄浪曲都忘擊楫情
月上江流細煙浮浦樹微夜深霜色冷鷺雁隔帆飛

支家堰遺小奚歸

積水微茫夜有無天涯望裏一身孤卻因道路揚飄駛
還憶田園荷鋤蕪海氣嶺雲霜外雁越山吳地清邊曉

銅馬編卷上

十七國明最書
約圖同本

西陵草色催鄉夢猶是江南草未枯

西湖懷古

明聖湖更西子湖層層臺殿枕平蕪南朝遺客無窮恨
數到堤楊第幾株

處處湖光泛碧筒畫船簫鼓夕陽中岳墳夜月無人過

萬馬長征吼北風

三年行

三年肅會同十月成行遭梨嶺渡迴崗錢塘迴洪派錢
塘舟到已兼旬故國關河人望頻明山雲影初含曉鑑

水晴光漸入春山外有山空極目客中作客更傷神傷
神極目澄湖碧紫騮蹀躞垂楊陌夜靜嵐光鎖梵宮宵
寒露氣浮歌席此時撫臆是何時此夕分襟是何夕此
時此夕落楓天孤棹長征惜暮年抱纜貪程過驛外停
車感事憶鐘前是處旅魂愁聽雁阿誰客思恍聞鵲客
思旅魂驚漏箭長安日下遙難見石壕空歌小吏篇斥
滄未免盡臣譴世險難辭白壁磨時清終識黃金賤黃
金白壁竟何如幾度臨風感慨多黃河雪滿還加策紫
塞霜寒尙枕戈任君萬里翔雲路願我簞瓢老澗阿古

銅馬編 卷上

十八 四明叢書
約圖刊本

來賢達商舒卷雲壑千重雨一簑

古田舊有草玄閣偶于舟中補此詩

千秋玄草倬爲章那敢輕依姓字香祇是昔時人已去
空亭汀樹暮雲黃

廣輿志及花史竝紀玉田桃谿之盛而余未及問

津也

何處天天萬樹開武陵流水夢裴徊東風深閉桃源路
不放漁人蕩槳來

弔叔先雄

孝女叔先雄隲爲人父泥和永建初爲縣功曹拜檄
謁巴郡守溺湍水中先雄時育男女二人竝數歲雄
各作龔珠環係兒於父墮處投水死其弟賢夢雄告
六日後當其父同出至期果相持浮于江惜史傳不
與曹孝女竝載也

千秋孝女蹟堪齊舊史何人灑淚題此日瓣香吹萬里
乘風直過健爲西

弔向化

山東向化者父上以班軍累投海死沿海覓父屍不

銅馬編 卷上

十九 四明叢書
約圖刊本

得號泣觸海濤隆慶五年四月二十一日也是日湖
中浮出向上屍乃脫落所穿沈香色故襖未幾化頂
父視浮屍與父一處家人取而葬焉

幼婦殘碑鮮未陳從教精衛恨波臣千年父子懸朝日
捧出江心只兩人

弔毛氏

至正十五年有姓婦毛氏者美姿色避亂麻鷺山中
賊以金誘之氏曰寧剖我心不願汝金復以刀脅之
氏曰汝碎則與我碎則香隨剝其腸而去余偶閱氏